

ջրի դիմաց վճարման ենթակա գումարը փոխանցում է ջրամատակարարի բանկային հաշվին՝ վճարման փաստաթղթերը (տասնօրյակային ակտ-օրագրերի օրինակները) ստացվելուց հետո 10 բանկային օրվա ընթացքում, եթե պայմանագրով այլ բան նախատեսված չէ: Ստացված տեղեկատվության ուսումնասիրությունից պարզվեց, որ առկա են դեպքեր, երբ ՋՕԸ-երի աշխատակիցները (ներառված են ՋՕԸ-երի հաստիքացուցակներում) բանկերում վճարումներ են կատարել տարբեր ջրօգտագործողների փոխարեն, ինչը ենթադրում է, որ ՋՕԸ-երի կողմից իրականացվում է կանխիկ գանձման գործառույթ:

9. Բազայից ստացված տեղեկատվության համաձայն, ՋՕԸ-երի դեբիտորական պարտքը 2018թ.-ի տարվա սկզբին կազմել է 14,982,909.5 հազ. դրամ: Տարվա ընթացքում մատակարարված ոռոգման ջրի դիմաց հասույթը կազմել է 6,185,165.2 հազ. դրամ, որի դիմաց վճարումը կազմել է 3,031,257.4 հազ. դրամ կամ՝ հասույթի 49.0 տոկոսը: Ռազմավարությամբ նախատեսվել է հավաքագրման 89,8 %, 5,237,300.0 հազ. դրամ: Տվյալ տարվա վերջում դեբիտորական պարտքը կազմել է 18,174,488.8 հազ. դրամ:

10. Բազայից ստացված տեղեկատվության համաձայն, 2018 թ.-ին պայմանագրային հողատարածքները կազմել են 141 786 հա, առանց անմշակ հողատարածքների այդ ցուցանիշը կազմել է 89 567 հա: Այն հողատարածքները, որոնց դիմաց առկա է փաստացի մատակարարված ջուր կազմել է 51 621 հա: 2018 թ.-ի համար տարեկան պլանային ջրի ծավալը կազմել է 612,159.5 հազ. խմ, իսկ փաստացի մատակարարված ջրի քանակը կազմել է 579,238.8 հազ. խմ: Ռազմավարությամբ 2018 թ.-ի համար նախատեսվել է 133 300 հա ոռոգելի հողատարածք, իսկ ջրտուքը դաշտում նախատեսվել է 530,200.0 հազ. խմ:

Նշված անհամապատասխանությունների մասով Ջրային Կոմիտեի կողմից 20 մարտի 2019թ. թիվ 02/06/987-19 գրությամբ ներկայացվել են առաջարկություններ և պարզաբանումներ (Հավելված 13):

2. ՀՀ կառավարության պահուստային ֆոնդից հատկացված գումարների վերաբերյալ

ՀՀ կառավարության 2017 թվականի փետրվարի 23-ի թիվ 212-Ն որոշմամբ ՀՀ Սյունիքի, Արմավիրի և Շիրակի մարզերում նախատեսված առաջնահերթ հակահեղեղային միջոցառումների իրականացման նպատակով նախատեսվել է հատկացնել 70,533.1 հազ. դրամ, որից՝ 11,256.1 հազ. դրամը՝ նախագծահետազոտական ծախսեր հոդվածով, իսկ 59,277.0 հազ. դրամը՝ շենքերի և շինությունների կապիտալ վերանորոգման հոդվածով:

Նշված աշխատանքների կատարման համար 16.03.2017թ. թիվ «ՀՀԷԲՊՆՋՏՊԿ-ԲԸՀԱՇՁԲ-17/3-Ա» ծածկագրով հայտարարվել է ԲԸՀ ընթացակարգ՝ բաղկացած 3 չափաբաժիններից, որոնց ընդհանուր ծավալաթերթ-նախահաշիվը կազմել է 59,215.84 հազ. դրամ:

Համաձայն թիվ «ՀՀԷԲՊՆՋՏՊԿ-ԲԸՀԱՇՁԲ-17/3-Ա» ծածկագրով ԲԸՀ ընթացակարգի գնահատող հանձնաժողովի թիվ 3 արձանագրության՝ «Էլդոգար» ՍՊԸ-ի, «Կ.Ս.Վ. Շին» ՍՊԸ-ի, «Ախուրյան Կոոպչին» ՍՊԸ և ՕՍՏ-ՇԻՆ ՍՊԸ-ի կողմից ներկայացված հայտերը մերժվել են՝ հայտարարություն մասնագիտական փորձառության մասին Հավելված 3.1 հրավերի պահանջներին նմանատիպ աշխատանքներով անհամապատասխան ներկայացվելու հիմքով:

ՀՀ կառավարության 2017 թվականի ապրիլի 27-ի թիվ 447-Ն որոշմամբ ՀՀ Շիրակի մարզի Արթիկ քաղաքի տարածքով անցնող Բմբուլենց և Մովրովի հեղեղատարների առաջնահերթ հատվածների մաքրման և ափերի ամրացման աշխատանքներն իրականացնելու նպատակով նախատեսվել է հատկացնել 156,999.5 հազ. դրամ:

Նշված աշխատանքների իրականացման համար 23.03.2017թ. թիվ «ՀՀԷԲՊՆՋՏՊԿ-ԲԸՀԱՇՁԲ-17/3/1-Ա» ծածկագրով հայտարարվել է ԲԸՀ ընթացակարգ՝ բաղկացած 1 չափաբաժնից:

Համաձայն թիվ «ՀՀԷԲՊՆՋՏՊԿ-ԲԸՀԱՇՁԲ-17/3/1-Ա» ծածկագրով ԲԸՀ ընթացակարգի գնահատող հանձնաժողովի թիվ 3 արձանագրության՝ «Հիդրովերանորոգում» ՍՊԸ-ի և «Կ.Ս.Վ. Շին» ՍՊԸ-ի կողմից ներկայացված հայտերը մերժվել են հայտարարություն մասնագիտական փորձառության մասին Հավելված 3.1 հրավերի պահանջներին անհամապատասխան նմանատիպ աշխատանքներով ներկայացվելու հիմքով:

ՀՀ կառավարության 2011 թվականի փետրվարի 10-ի թիվ 168-Ն որոշման հավելված 1-ի՝ Գնումների գործընթացի կազմակերպման կարգի, 69-րդ կետով սահմանվել է. որ *Գործարքները համարվում են համանման (նմանատիպ), եթե դրանք դասվում են գնման կամ նախատրակավորման հայտարարությամբ կամ հրավերով նախատեսված՝ համանման համարվող տնտեսական գործունեության նույն խմբերում:* Համանման համարվող տնտեսական գործունեության տեսակները և դրանց գնահատման կարգը սահմանվում են սպառիչ և առանց երկակի մեկնաբանության հնարավորության: Շինարարական ծրագրերի դեպքում տնտեսական գործունեության նույն խմբերը սահմանվում են հաշվի առնելով քաղաքաշինության բնագավառում լիցենզավորման ենթակա գործունեության տեսակը: Հրավերով սահմանված՝ համանման համարվող տնտեսական գործունեության տեսակները տարաբնույթ (երկակի) մեկնաբանելու հնարավորության դեպքում առկա տարբերությունը մեկնաբանվում է ի օգուտ մասնակցի:

Ղեկավարվելով վերոնշյալ կետով՝ անհրաժեշտ է մասնակիցների ներկայացրած հայտարարություն մասնագիտական փորձառության մասին Հավելված 3.1 հրավերի պահանջներին համապատասխանությունը դիտարկել՝ հաշվի առնելով քաղաքաշինության բնագավառում լիցենզավորման ենթակա գործունեության տեսակը, ինչը գնահատել հայտերի բացման նիստում հնարավոր չէ, քանի որ թիվ 3.1 Հավելվածում մասնակիցների կողմից ներկայացվում է միայն կատարված պայմանագրի անվանումը, որի հիման վրա մասնակիցների հայտերը մերժվել են:

Արդյունքում՝ թիվ «ՀՀԷԲՊՆՋՏՊԿ-ԲԸՀԱՇՁԲ-17/3-Ա» ծածկագրով ԲԸՀ ընթացակարգի մասով, նվազագույն գին առաջարկող մասնակցի հայտը մերժվել է, ու ընթացակարգի 1-ին, 3-րդ չափաբաժիններով հաղթող է ճանաչվել և պայմանագիր է կնքվել «Բաղրամյանշին» ԲԲԸ-ի հետ՝ 37,790.58 հազ. դրամ գումարով, իսկ 2-րդ չափաբաժնով՝ 11,265.6 հազ. դրամ գումարով՝ «Մեղրու ՃՇՇՁ» ՍՊԸ-ի հետ: Հայտը չմերժելու դեպքում, որպես նվազագույն գին առաջարկող և ընթացակարգի բոլոր չափաբաժիններով հաղթող կճանաչվեր «Էլդոգար» ՍՊԸ-ն, և պայմանագրի ընդհանուր գինը կկազմեր 44,088.0 հազ. դրամ, տարբերությունը՝ 4,968.18 հազ. դրամ:

Իսկ թիվ «ՀՀԷԲՊՆՋՏՊԿ-ԲԸՀԱՇՁԲ-17/3/1-Ա» ծածկագրով ԲԸՀ ընթացակարգի մասով, նվազագույն գին առաջարկող մասնակցի հայտը մերժվել է, ու ընթացակարգում հաղթող է ճանաչվել և պայմանագիր է կնքվել «Բաղրամյանշին» ԲԲԸ-ի հետ՝ 149,988.0 հազ. դրամ գումարով: Հայտը չմերժելու դեպքում՝ որպես նվազագույն գին առաջարկող և ընթացակարգում հաղթող կճանաչվեր «Հիդրովերանորոգում» ՍՊԸ-ն, և պայմանագրի ընդհանուր գինը կկազմեր 113,986.56 հազ. դրամ, տարբերությունը 36,001.44 հազ. դրամ:

Նշված անհամապատասխանությունների մասով Ջրային Կոմիտեի կողմից 20 մարտի 2019թ. թիվ 02/06/987-19 գրությամբ ներկայացվել են առաջարկություններ և պարզաբանումներ (Հավելված 13):

3. Արփա-Սևան թիվ 2 թունելում առանձին վթարային հատվածների հիմնանորոգման աշխատանքների գնման պայմանագրի վերաբերյալ

3.1. Նախահաշվի վերաբերյալ

3.1.1. Մեքենաների և մեխանիզմների շահագործման ծախսերի վերաբերյալ

«Արփա-Սևան թիվ 2 թունելի առանձին վթարային հատվածների հիմնանորոգման աշխատանքների նախագծում» մեքենա-մեխանիզմի շահագործման ծախսերի հաշվարկման գործակիցը չի հաշվարկվել ֆինանսների նախարարության կողմից, այլ՝ համաձայն նախահաշվի բացատրագրի, «Մեքենաների ու մեխանիզմների շահագործման ծախսերի անցման գործակիցը վերցվել է Գնագոյացման վերլուծական ինֆորմացիոն կենտրոնի 2016 թվականի №4 ինֆորմացիոն տեղեկագրի տվյալներից»՝ 2662,83:

Սակայն Արփա-Սևան թիվ 2 թունելի առանձին վթարային հատվածների հիմնանորոգման աշխատանքների Բացատրագրում նախագծի հատոր 1-ում «Վերականգնման-վերակառուցման աշխատանքների իրականացում բաժնում» նշվում է՝ «Թունելում աշխատանքների ընթացքում ներքին այրման շարժիչներով տեխնիկա չի օգտագործվում»:

Առկա է անհամապատասխանություն ՀՀ կառավարության 2011 թվականի հունիսի 23-ի թիվ 879-Ն որոշման «Գործող գներով շինարարական աշխատանքների արժեքի հաշվարկման կարգի» Գլուխ 7-ի՝ «Մեքենաների և մեխանիզմների շահագործման արժեքի հաշվարկ», կետ 21-ի՝ մեքենաների ու մեխանիզմների շահագործման ծախսերի (1984թ. գների նկատմամբ) անցման գործակցի հաշվարկում՝

$$\text{Կմեք.շահ} = \frac{(0.208 \times \text{Գահ} + 0.144 \times \text{ԳՊԲ} + 0.286 \times \text{ԳԱՇ} + 0.321 \times \text{ԳԷՆ})}{0.959} \quad (7)$$

$$\text{ԳԷՆ} = 0.8 \times \text{Գդիզ.վառ} + 0.2 \times \text{ԳԷԼ.Էներգ}, \quad (8)$$

որի 80%-ը կազմում է դիզ. վառելիքի արժեքի փոփոխությունը և որոշվում է՝

$$\text{Գդիզ.վառ} = \frac{\text{Ավ} \times 1.18}{0.08} \quad (9)$$

Ավ՝ 1 Լ վառելիքի արժեքն է՝ գործող գներով,

0.08՝ 1 կգ վառելիքի արժեքն է՝ 1984 թ. գների մակարդակով,

1.18՝ 1 լիտրից 1 կգ-ի անցման գործակիցը,

20%-ը կազմում է էլեկտրաէներգիայի արժեքի փոփոխությունը և որոշվում է՝

$$\text{ԳԷԼ.Էներգ} = \frac{\text{Աէներգ}}{0.0325} \quad (10)$$

0.0325՝ 1 կվտ ժամ էլեկտրաէներգիայի արժեքն է՝ 1984թ. գների մակարդակով,

Կմեք.շահ գործակցի հաշվարկային արժեքը հաշվարկվում և հրապարակվում է ՀՀ ֆինանսների նախարարության կողմից:

ԳԱՇ = Աշխատավարձի անցման գործակիցը (1984թ.-ի դրությամբ) որոշված է համաձայն հետևյալ հաշվարկի՝ $211575/108,25 = 1954,5$:

**Մեքենաների ու մեխանիզմների շահագործման ծախսերի (1984թ. գների նկատմամբ) անցման գործակցի հաշվարկ՝
համաձայն ՀՀ կառավարության 23 հունիսի 2011 թվականի թիվ 879-Ն որոշման**

2016թ. մարտ ամսվա տվյալներ

դրամ

Միջին ամսական աշխատավարձ	Մեկ լիտր դիզ.վառելիքի արժեք	Մեկ Կվտ էլ.էն. Արժեք
211 575,00	357,00	48,78

Նախահաշվով միջին ամսական աշխատավարձը ընդունված է 211 575,0 դրամ, Աշխատավարձի անցման գործակիցը կազմում է՝ **211575 / 108,25 = 1954,50**

$$K_{մեք.շահ} = \frac{(0.208 \times \text{Գ}_{ահ} + 0.144 \times \text{Գ}_{\text{ՊԲ}} + 0.286 \times \text{Գ}_{\text{ԱՇ}} + 0.321 \times \text{Գ}_{\text{ԷՆ}})}{0.959} =$$

$$= \frac{0.208 \times 1407,48 + 0.144 \times 2042,63 + 0.286 \times \mathbf{1954,50} + 0.321 \times \mathbf{1250,77}}{0,959} =$$

$$= \frac{1547,36}{0,959} = \mathbf{1613,52}$$

$\text{Գ}_{ահ} = 1470.48$ - ամորտիզացիոն հատկացումների վերահաշվարկման գործակիցն է՝ ըստ կարգի

$\text{Գ}_{\text{ՊԲ}} = 2042.63$ ՝ - պահեստամասերի արժեքի փոփոխման գործակիցն է ըստ կարգի

$\text{Գ}_{\text{ԱՇ}} = \mathbf{1954,5}$ -աշխատավարձի անցման գործակիցն է հաշվարկով

$\text{Գ}_{\text{ԷՆ}}$ ՝ - էներգիայի տեսակների արժեքի փոփոխման գործակիցն է

$$\text{Գ}_{\text{ԷՆ}} = 0,8 \times \text{Գ}_{\text{դիզ. վառ}} + 0,2 \times \text{Գ}_{\text{Էլ.էներգ}}$$

$$\text{Գ}_{\text{դիզ.վառ}} = \frac{U_{\text{վ}} \times 1,18}{0,08} = \frac{357,0 \times 1,18}{0,08} = 5265,75$$

$$\text{Գ}_{\text{Էլ.էն.}} = \frac{U_{\text{էներգ}}/1,2}{0.0325} = \frac{48,78/1,2}{0,0325} = \mathbf{1250,77}$$

$$\mathbf{0} + \mathbf{1250,77} = \mathbf{1250,77}$$

Հաշվարկը ցույց է տալիս, որ մեքենաների ու մեխանիզմի գների շահագործման ծախսերի անցման գործակիցը կազմում է 1613.52, այլ ոչ թե՝ 2662.83, ինչպես ընդունված է նախահաշվով, որի պարճառով նախահաշիվը բարձր է 1,144,668,250.0 դրամ գումարով:

3.1.2. Շինարարական նյութերի գների վերաբերյալ

1. Հաշվի առնելով այն հանգամանքը, որ թունելի նորոգման աշխատանքների ընթացքում օգտագործվող միաձույլ բետոնը պատրաստվել է «Եղեգիս» շին. հրապարակում, ուստի՝ բետոնի արժեքը չպետք է ավելացվեր տեղափոխման ծախսով՝ 7.61 %-ով:
2. Հիմնական և ժամանակավոր մետաղական ամրակապերի գինը ընդունված է 650,000 դրամ, սակայն ՀՀ ֆինանսների նախարարության կողմից հրապարակված 2016թ. թիվ 3 ինֆորմացիոն տեղեկագրում պողպատե երկտավրի գինը 375,000 դրամ է՝ մեկ տոննայի համար:
3. Բարձր է գնահատված ժամանակավոր տեղադրվող, կլոր գերաններից հենարանների գինը՝ մեկ խմ՝ 95,000 դրամ:

Այսպիսով՝ նախահաշիվը բարձր է հաշվարկած ևս 245,130,880.0 դրամով:

Արդյունքում՝ կետեր 3.1.1-ի և 3.1.2-ի ընդհանուր գումարը կազմում է՝ $1,144,668,250.0 + 245,130,880.0 = 1,389,799,130.0$ դրամ:

3.2. Վերակառուցվող հատակների վերաբերյալ

2.1. Վերակառուցվող հատվածներն են թիվ 7, 8 ու 9 թունելախորշերը: Համաձայն ՀՀ կառավարություն 2004թ.-ի սեպտեմբերի 30-ի թիվ 1393-Ն որոշման 4-րդ կետի՝ ոռոգման համակարգերի և դրանց կառուցվածքների դիտարկումների արդյունքներն օգտագործվում են որպես ելակետային տվյալներ՝ ոռոգման համակարգերի տեխնիկական վիճակի թերությունների մասին տեղեկագրերը կազմելու համար, և նույն որոշման 31-րդ կետի համաձայն՝ **ոռոգման**